



MALO O SAMOA

**FAAMATALAGA O FUAFUAGA
MO TUPE A LE MALO
2014 / 2015**

**MATAGALUEGA O TUPE
30 ME 2014**

FAASOLOGA O MATAUPU

I. AIAIGA MO LE SAUNIA O RIPOTI	3
II. SINI AUTU MO LE TAMAOAIGA MA TUPE A LE MALO	3
III. ILOILOGA O LE TULAGA O TUPE A LE MALO MA LE TAMAOAIGA 2009/10 – 2013/14	4
IV. VAAIGA I LE LUMANAI I LE TAMAOAIGA MA TUPE A LE MALO	9
V. FUAFUAGA ALUALU MAMA O AUA LE TUUITIITIA O AITALAFU A LE MALO	11

FAAMATALAGA O FUAFUAGA MO TUPE A LE MALO TALA O LE TUPE 2014/15-2016/17

I. AIAIGA MO LE SAUNIA O RIPOTI

O loo manino lelei i le Tulafono mo le Pulea o Tupe a le Malo 2001 taiala mo le pulea lelei o tupe a le Malo, ma faataatitia mai ai aiaiaiga mo le saunia o ripoti a le Minisita o Tupe ma le Matagaluega o Tupe. O le vaega 18 o loo manino mai ai vaega nei: Saunoaga autu o le tala o le tupe, ma se Faamatalga i se ata faataitai o tupe maua ma tupe faaalu mo le tausaga faaletupe ua maea fuafuaina, faaapoopoo iai ma isi tausaga e lua o lumanai, poo Fuafuaga Tuutuu Mamao. O le vaega 19, o loo aiaia ai le saunia o se Faamatalaga o Fuafuaga Tau Tupe, e tuuina atu faatasi ma le Saunoaga o le Tala o le Tupe i le Palemene.

O le Faamatalaga o Fuafuaga Tau Tupe e aofia ai se auiliiliga, ina ia manino le fesootai ai o Faamatalaga o le Tala o le Tupe ma Taiala mo le Atinae o Samoa (TAS). E manaomia le tuuina mai o ni faamatalaga e auiliili ai ni eseesega o ia Taiala pe afa'i e iai ni fesuaiga o le tamaoiga ma tulaga tau tupe a le Malo i taiala o le TAS.

O lenei Taiala mo le Atinae o Samoa e mo le fa tausaga e pei ona iai nei – *Taiala mo le Atina'e o Samoa 2012/13-2015/16: "faatupulaia fua o faaeleeleaga mo se atinae manuia"*.

II. SINI AUTU MO LE TAMAOAIGA MA TUPE A LE MALO

Sa maitauina le faaleagaina o le tamaoiga o Samoa i le afa mulimuli o le tausaga faaletupe 2012/13 ona o aafiaga o le Afa o Eveni i le masina o Tesema 2012. O aafiaga o le Afa sa faapea ai ona toe aafia le tamaoiga lea sa faaleleia mai i aafiaga o le galu afa i a Setema 2009 ma le tulaga faaletonu o le tamaoiga o le lalolagi. Peitai, o le fonotaga a Atunuu Laiti o le lalolagi (SIDS) lea e faia maia i Samoa i a Setema 2014/15 ma taaloga a le tupulaga o Malo o le taupulega lea e faia i Samoa i le 2015/16 o lea fesoasoani i le una'ia o le tamaoigaa le atunuu.

O loo faaaauu pea le faatinoina e le Malo o faiga faavae ina ia mautinoa le sologa lelei ma le mausali o le tamaoiga. E le gata i le puipuia mai ai o le tamaoiga mai aafiaga o tulaga faaletonu o le tamaoiga o le lalolagi, ae faapea fo'i ona fesoasoani i le faasoa leleia o tupe a le Malo i vaega eseesa o le tamaoiga. O le a mataituina pea e le Malo ana tupe faaalu i vaega e maua ai avanoa faigaluega mo tagata lautele ma vaega e faaleleia ai auaunaga a Ofisa uma a le Malo.

O le a avea le fonotaga a Atunuu Laiti Tauatia'e o le lalolagi lea e faia mai i Samoa i a Setema 2014/15 ma taaloga a Tupulaga Talavou o Malo o le Taupulega i le 2015/16 ma ala e faatupulaia ai le tamaoiga, peita'i na'o sina taimi pu'upu'u. I le vaai taula'i, e taua tele le faatupulaia o le tamaoiga e ala i le una'ia ai o avanoa faigaluega ma faatupulaia ai tupe maua a le Malo. O faatinoina foi o faiga faavae mo le toe unaia o le

vaega o faatoaga ma le turisi e taua tele lea mo le ausia o tulaga lelei mo le tala o le tupe a le Malo.

O le faanaunauga a le Malo ina ia faapea ona ausia le faatapulaa e tatau ona i ai le tala o le tupe a le Malo i lesi tolu tausaga o lumana'i. I le tulaga i nonogatupe, o loo faapea ona mataituina e le Malo le faalaitiitia o tupe nono ina ia ausia le i lalo ifo o le 50% o le tamaoaiga.

E ui ina faatinoina fesuaiga e pei ona taua i luga, o lo'o fa'auauina le faatinoina o faiga faavae a le Malo ina ia ausia ai tapula'a e pei ona faailoa atu i lalo:

- a) Ia i le va o le 35% – 38% o le tamaoaiga le aofa'i o tupe faaalu masani mo auunaga, ina ia lava seleni e avanoa mo le atina'eina o le vaega tumaoti; faapea le avanoa o galuega;
- e) Ia i lalo ifo o le 50% o le tamaoaiga le aofai o nonogatupe;
- i) Ia i le va o le 40% – 45% o tupe faaalu se seleni e faaagaga mo totogi o tagata faigaluega, ina ia o gatasi ma le naunautaiga o le Malo ina ia siitia le faatinoga o auunaga;
- o) Ia le i luga atu o le 3.5% o le tamaoaiga le vaega o tupe faalu nai o lo o tupe maua;
- u) Faaleleia galuega faatino a Faalapotopotoga a le Malo aua le faamama avega I le Tala o le Tupe a le Malo mo nonogatupe e le totogiina;
- f) Unaiia le faaleleia o le aoina o tupe maua a le Malo.


III. ILOILOGA O LE TULAGA O TUPE A LE MALO MA LE TAMAO'AIGA I LE 5 TAUSAGA UA MAVAE, 2009/10 – 2013/14

E ui ina sa aafia le tamaoaiga o Samoa i le kuata muamua o le tausaga faaletupe 2009/10 e mafua mai i aafiaga mai le galu afi (tsunami) faapea ai ma le tulaga faaletonu o le tamaoaiga o le lalolagi, ae sa faamauiina pea le siitia i le tamaoaiga i le 2009/10 e tusa lea ma le 0.5%. O lenei siitaga sa unaiia malosi e galuega tetele e fa'aleleia ai vaega sa aafia i le galu afi. E le gata i lea ae sa faamauiina foi le siitia o oloa faatau mai fafo aemaise lava i taavale foepuni i le itu taumatau, ae faapea ai le siitia i le fuainumera o pisinisi tau i fesootaiga sa fesosoani i le faaleleia o le tamaoaiga.

Na maitauina le siitia pea o le tamaoaiga o Samoa i le 2010/11 e tusa lea ma le 1.4%. O lenei tulaga sa faapea ona auala mai i galuega faauau mo le faaleleia o vaega sa aafia i le galu afi, e le gata i lea ae o galuega tetele aua le fausiaina o le Fale fou a le Malo, fausiaina o le Falema'i fou, faaleleia ma le faalauteteleina o auala ae faapea ai ma fefaatauaiga.

I le 2011/12, na faamauiina ai le faatupulaia pea o le tamaoaiga o Samoa i le 2.9%, sa faalagolago lenei siitaga i galuega faauau o le fausiaina o le Falema'i fou ma le faaleleia o auala mo le faailogaina o le 50 Tausaga o le Tutoatasi o Samoa. E le gata i lea, ae sa fesoasoani foi le siitia o vaega tau fefaatauaiga ma auunaga o pisinisi tautupe i le tamaoaiga.

E 0.4% na faaitiitia ai le tamaoaiiga i le tausaga faaletupe 2012/13 ona o le aafiaga o le afa o Eveni faatasi ai ma le faamaeaina galuega tetele sa faatinoina i tausaga ua tuana'i. O vaega tau i turisi, faatoaga ma nofoaga sa iloga ona aafia tele i le afa. O loo fuafua e faatupulaia o le tamaoaiiga a le atunuu i le 1.8% i le 2013/14 ona o le faatinoina o e galuega faaleleia mai le afa o Eveni faatasi ai ma tapenaga mo le Fonotaga a Atunuu Laiti o le Lalolagi i le 2014/15 aemaise ai Taaloga a Tupulaga Talavou o Malo o le Taupulega i le 2015/16.




Faamatalaga: Matagaluega o Tupe ma le Ofisa o Fuainumera

O le tau o le soifuaga i le lima tausaga ua tuana'i amata mai i le 2009/10 – 2013/14 o loo faalia atu i le Ata 2. Sa vaaia le fesuisuia'i o le tau o le soifuaga i lenei piliota, ma sa faamauina ai le paū i le 0.2% i le 2009/10 ae faatupulaia i le 6.2% i le tausaga faaletupe 2011/12. I le tausaga 2010/11 sa maitauina ai le siitia i le tau o le soifuaga i le 2.9% ona o le maualuga sa iai le tau o le eletise e mafua mai i le siitia i le tau o suauu mai atunuu i fafo. Sa toe faamauina le paū i le tau o le soifuaga i le faaiuga o Iuni 2012/13 i le 0.2%.


O le paū i le tau o le soifuaga i le 2012/13 e mafua mai i le paū i tau o suauu ma meataumafa faatau mai fafo aemaise ai le paū i tau o nisi o meataumafa i totonu o le atunuu. Sa maitauina fo'i le paū i le tau o meataumafa mai fua o faatoaga a le atunuu ona ua siitia numera faatauina mai aafiaga sa aafia ai i le afa o Eveni. O le tau o le eletise ma vaega tau i lavalava sa faamauina fo'i le paū e faatusatusa i le tausaga ua mave. E ui ina fesuisuia'i le tau o le soifuaga ae peita'i sa faamauina le tau o le soifuaga i le 1.7% mo .

E 1.2% na faamauina ai le tau o le soifuaga I le fa'ai'uga o Aperila 2013/14, pe tusa ma le 1.8 na paū maualalo ai faatusatusa i le 0.6% i le fa'ai'uga o Aperila 2012/2013. O lenei tulaga sa atagia mai i le faaitiitia i le tau o le eletise faapea vaega tau i lavalava, faaitiitia le tau i nisi o meataumafa faatauina i totonu o le atunuu aemaise fua o fa'a'ele'eleaga a le atunuu sa maitauina le siitia i le numera faatauina ona o le toe faaleleia o faatoaga sa faaleagaina i le afa o Eveni. O loo fuafuaina o le'a paū le tau o le soifuaga i le 0.2% i le faaiuga o Iuni 2013/14 ona o le fa'aauau ai pea o le paū i le tau o mea taumafa faatauina i totonu o le atunuu.



Faamatalaga: Matagaluega o Tupe ma le Ofisa o Fuainumera


Na faamaaina le mauiluga o le siitiaga i le aofaiga o tupe faaalu nai lo’o tupe maua i le 2009/10 ma le 2010/11 ona o galuega faaleleia o vaega sa aafia i le galu lolo faatasi ai ma le taumafaiga ina ia faaitiitia le aafiaga o le tamaoiga a le atunuu mai le faaletonu o le tamao’iga o le lalolagi. O le 2011/12 aga’i i le 2013/14 na maitauina ai le faaitiitia o lenei faailoilo e mafua mai i le toe lelei o tulaga i le tamaoiga mai faalavelave faalenatura aemaise ai tulaga faaletonu o le tamaoiga a le lalolagi. O le faatupeina o le faasiliga o le tupe faaalu nai loo tupe maua sa mafai ona faafaigofie i le malo ona faatupe mai i tupe fa’amealofa na tuuina mai e le Faleluga o le Lalolagi faapea ai ma le Faleluga o Atina’e a Asia.



Faamatalaga: Matagaluega o Tupe ma le Ofisa o Fuainumera


Sa faatumauina pea le pasene o tupe maua mai lafoga i le aotelega o le tamaoiga i le 23% mai le tausaga faaletupe 2009/10 i le 2011/12, ae sa iai si ona faasiliga i le 26% i le 2012/13 ona pa’u ai lea i le 25% i le tausaga faaletupe 2013/14. Sa maitauina fo’i le siitia o tupe maua na aoina mai i isi auaunaga i le 2010/11 ma le 2011/12 ona pa’u ai lea i le 2012/13. Na toe iai se faasiliga i tupe maua mai isi auaunaga e tusa ma le 4% i le tausaga faaletupe 2013/14. I tulaga tau i tupe fa’amealofa mai atunuu i fafo sa maitauina ai le siitia mai le 1% i le 2009/10 i le 7% i le 2010/11 ona pa’u ai lea i le 3% i le 2011/12 agai

atu i le 2012/13. E telē se siitaga i le fuainumera o tupe maua fa’amealofa mai fafo i le 2013/14 e tusa lea ma le 14% ona e mafua mai i le suiina o nonogatupe aga’i i tupe fa’amealofa mai le Faletupe o le Lalolagi faapea ai ma le Faletupe o Atina’e a Asia.




Faamatalaga: Matagaluega o Tupe ma le Ofisa o Fuainumera

Na vaايا le faatupulaia o tupe faaalu mo galuega faatino i pasene o le tamaoaiga mai le 2009/10 i le 2010/11 ona paū ai lea i le 2011/12. O le aofaiga o tupe faaalu i le pasene o le tamaoaiga na maitauina lona faatupulaia i le tausaga faaletupe 2012/13 ona o galuega toe faaleleia o vaega sa faaleagaina e le afa. I le tausaga faaletupe 2009/10 i le 2010/11 na vaايا ai le siitia o tupe faaalu mo atina’e ona o galuega toe faaleleia i vaega sa aafia i le galu afa aemaise ai le taumafai o le malo ia faaitiitia le aafia o le tamaoaiga a le atunuu i le faaletonu ai o le tamaoaiga a le lalolagi. Sa paū le aofaiga o tupe faaalu i atina’e i le 2010/11 i le 2012/13 ona ua mae’a poloketi o galuega toe faaleleia o vaega sa aafia i le galu afa. Ae peitai o poloketi mo galuega toe faalelei o vaega sa faaleagaina e le afa o Eveni na mafua ai ona iai se siitaga i tupe faalu i atina’e i le 2013/14.



Faamatalaga: Matagaluega o Tupe ma le Ofisa o Fuainumera

O tupe faaagaga mo oloa faatau mai fafo sa maitauina le tumau pea i totonu o le fua faatapula'a e tatau ona i ai i le va o le 4.0 i le 6.0 masina mai i le piliota 2009/10 i le 2013/14.



Faamatalaga: Matagaluega o Tupe ma le Ofisa o Fuainumera

Nonogatupe mai Fafo

O le aofaiga i nonogatupe i pasene o le tamaoaiga sa faamauina le i lalo ifo o le fua faatapula'a e 50% o le Tamaoaiga mai i le tausaga faaletupe 2009/10 i le 2010/11. Sa maitauina le siitia i le tausaga faaletupe 2011/12 i le 55% ona o le faaauuina o le poloketi i vaega o le malosiaga faa-letise, o le fa'atinoina o le vaega lua i le polokalame aua aoga, o le fausiaina o le vaega muamua o le falema'i fou fa'atasi ai ma fesosoani mai le Faletupe o Asia ma le Fale tupe o le Lalolagi. O le tulaga faamauina o le nonogatupe i pasene o le tamaoaiga na siitia atu i le 59% i le faaiuga o Iuni 2012/13 ona ua faamae'aina le vaega muamua o le falema'i fou, o le faatinoina o le poloketi mo fesootaiga faatasi ai ma polokalame mo vaega toe faaleleia o le afa o Eveni. O se fua faatatau i le tulaga o nonogatupe mai fafo e ono siisii atu i le 60% o le tamaoaiga i le faaiuga o le tausaga faaletupe 2013/14 ma o le'a unaia ona o galuega fa'auau o le poloketi mo fesootaiga, vaega lua o le falema'i fou, o le toe faateleina o le poloketi i vaega o malosiaga tau eletise ma le faaauuina o galuega toe faaleleia o le afa.

Pusa 2: Nonogatupe mai Fafo

Tausaga	2009/10	2010/11	2011/12	2012/13	2013/14
Nonogatupe mai Fafo (miliona tala)	695.5	737.7	825.0	935.5	976.7
Aofaiga e totogi mo nonogatupe	24.3	26.5	27.6	32.6	36.3
Pasene o Nonogatupe mai fafo i le Tamaoiga	48	49	55	59	60

Faamatalaga: Matagaluega o Tupe ma le Ofisa o Fuainumera

IV. VAAIGA I LE LUMANAI I LE TAMAOAIGA MA TUPE A LE MALO

I faaumauga mai le Faalapotopotoga a le IMF o lo'o taua ai le siitia lea o le tamaoaiga o le lalolagi ma o lo'o fuafuaina e faaauau pea i le 2014 – 2015, ma e ono unaia mai e atunu'u tetele. O le vaai taula'i, o lo'o fuafuaina le faatuputupulaia o le tamaoaiga mai le 3 pasene i le 2013 aga'i i le 3.6 pasene i le 2014 ma le 3.9 pasene i le 2015. I atunu'u tetele, o le'a si'itia le faatupulaia o le tamaoaiga e tusa lea ma le 2.3% i le 2014 – 2015 ma e tusa ma le 1 pasene o le'a si'itia ai pe'a fa'atusatusa i le 2013. I atunu'u e feololo le tamaoaiga ma atunu'u tauaina'e, o lo'o fa'amoemoe e si'itia le faatupulaia o le tamaoaiga mai le 4.7 pasene i le 2013 i le pasene e tusa lea ma le 5.0% i le 2014 ma le 5.3 pasene i le 2015.

I pa'aga mo fa'afetauaiga masani a Samoa, o lo'o fa'amoemoe e si'itia le fa'atupula'ia o le tamaoaiga o Niu Sila i le 2014 e tusa lea ma le 2.7% fa'apea ma le 2015 e tusa lea ma le 3.6% ona o le tulaga i galuega toe faaleleina i Canterbury fa'apea ma le toe lelei o le manaoga mo oloa i tagata lautele. O le va'ai taula'i i le tamaoaiga e faatumaina le vaivai ma o le'a fa'atupula'ia i le 3% i le 2014-15 a'o le'i si'itia malosi lea i le 4.8 pasene i le 2015-16. I le tulaga o le tamao'aiga o le lalolagi, o lo'o a'afia tele mai le tamaoaiga o Amerika e pei ona fa'amauna le fa'atupulaia i le 3.3 pasene i le afa lona lua o le 2013 ma o lo'o fa'amoemoe e fa'atupulaia le tamaoaiga mai le tausaga 2014-15 e tusa lea ma le 2.8.

I fa'amauga lata mai ile vaai taula'i i tamaoaiga, e 0.4% o lo'o pa'u ai le tamaoaiga o Samoa i le tausaga fa'aletupe 2012/13 pe'a fa'atusatusa i le 2.9% i le tausaga fa'aletupe 2011/12. Ae peita'i, o le vaai taula'i e ono si'itia i le 1.8% le fa'atupulaia o le tamaoaiga i le tausaga fa'aletupe 2013/14. O lea tulaga e una'ia malosi ona o tupe fa'aalu mo galuega toe fa'aleleia o lo'o fa'aaaupea ona o a'afia mai le afa. O lo'o tele foi le fesoasoani o le galuega fa'atino mo tapenapenaga o le fonotele a atunu'u laiti o Malo Afa'atasi i le 2014 i Samoa i le tamaoaiga. O lo'o fuafuaina e ono si'itia le tamaoaiga i le 2.4% i le 2014/15 e ala mai i vaega e iai le turisi, pisinisi, felauaiga, fesoataiga ma fale'aina ona o le fonotaga a atunu'u laiti o Malo Afa'atasi. O galuega tetele ua fa'ata'atitia mo le fausiaina o auala ma auala laupapa fa'atasi ai ma galuega tetele aua tapenapenaga mo Taaloga a Tupulaga Talavou o Malo o le Taupulega i le 2015 o le a faapea foi ona fesoasoani i le siitia o le tamaoaiga i le 2014/15. I le tulaga o le fa'atupulaia o le tamaoaiga o lo'o fa'atatau e tumau pe tusa lea ma le 2.6 pasene i le isi lua tausaga luma'i o'o atu i le tausaga fa'aletupe 2016/17.

O lo'o fuafua e ono si'isi'i atu le tulaga o manaoga o tagata lautele i le 3.6% i le 2013/14. O lea si'itaga o lo'o fa'apea e ono una'ia ona o galuega toe fa'aleleia mai le afa o lo'o fa'aaau pea fa'atasi ai me le 3% si'itaga i totonu o tagata faigaluega a le malo lea sa amata fa'atinoina ia Fepuari 2013/14. O fonotaga a Atunu'u laiti o Malo Afa'atasi e maitauina e ono sao fo'i i le 5.2% lea e ono si'itia ai tulaga o manaoga o tagata lautele i le 2014/15. O se va'aiga taula'i i Ta'aloga a Tupulaga Talavou o Malo o le Taupulega i le 2015/16, o lo'o fa'amoemoe e fa'atupula'ia le tulaga o manaoga o tagata lautele mai le va e tusa lea ma le 4% - 5%.

O atina'e e ese mai i atina'e a le Malo, o lo'o fuafuaina e tumau pea lona maualuga ona o le sao mai le si'itia ai o le tulaga i le tamaoaiga lea o lo'o fesoasoia i le tu mausali ai o pisinisi. O lo'o fa'apea foi ona tumau pea lea tulaga ona o le fausiaina ai o faletalimalo fou i tausaga e lua o lumana'i.

O tupe faaalua a le Malo o lo'o fuafua e siitia lea i le 8.1% i le 2013/14 ona o galuega toe fa'aleleia mai le afa, o le si'itaga o togoti o tagata faigaluega a le Malo atoa ai ma le tau aofa'i mo tapenapenaga aua le fonotaga tele a atunu'u laiti o Malo Aafaatasi. E tusa ma le 9.4% o lo'o fuafua e si'itia ai tupe fa'aaalu a le Malo i le 2014/15 ona o tapenapenaga i le fonotaga a atunu'u laiti o Malo Aafaatasi fa'atasi ai ma taaloga a tupulaga o Malo o Taupulega. I le tauluga ai o vaega tetele, o lo'o iai le taofi e toe pa'u tupe fa'aaalu e tusa lea ma le 7.1% i le 2015/16 ma le 5.7% i le 2016/17.

E tusa ma le 1.6% e ono siitia ai oloa faatauina atu i fafo i le 2013/14 ina ua toe maitauina le toe lelei mai o vaega tau faatoaga mai aafiaga o le afa o Eveni. O se si'itaga tele lea mai le 2.6% lea sa pa'u maualalo ai i le 2012/13. O lo'o fa'amoemoe foi e toe faaauau pea ona alualu i luga oloa faatauina atu i fafo e tusa lea ma le 3.0% i le 2014/15 ona o le polokalame a le SACEP lea o lo'o fa'atupeina mai e le Faletupe o le Lalolagi ma ni isi o poloketi i vaega o fa'atoaga o lo'o faatupeina e le Faletupe o Asia. O le fonotaga a atunu'u laiti o Malo Aafaatasi, o Taaloga a Tupulaga o Malo o Taupulega fa'apea ma le toe fa'aleleia atili o le vaega tau turisi o lo'o fa'amoemoe e fesoasoani malosi i tupe maua mai oloa fa'atauina atu i fafo. O lo'o fuafuaina e si'itia oloa fa'atauina atu i fafo i le 4.0% i le 2015/16 ma le 4.8% i le 2016/17 ona o galuega fa'aaauu mo le fa'aleleia atili o le vaega o turisi fa'apea ma fa'ato'aga.

O oloa faatauina mai fafo o loo fuafuaina e una'ia malosi e manaoga lautele e ala mai i manaoga, o atina'e tumaoti ma tupe faaalua a le Malo. I lea tulaga, ua faatatauina nei le si'itia ai lea i le 9.4% i le 2013/14 ma le 12.0% i le 2014/15. O lea vaega o lo'o faatatau e toe pa'u mai i lalo i le 9.6% ma le 10.1 i le 2015/16 ma le 2016/17.

Pusa 2: Siitia o Vaega mo le Tamaoaiga (pe a fua atu i tau o le 2002)

	2013/14	2014/15	2015/16	2016/17
Manaoga	3.6	5.2	4.3	5.0
Atina'e Tumaoti	8.6	8.9	10.3	10.4
Malo	8.1	9.4	7.1	5.7
Oloa Faatauina atu i Fafo	1.3	3.0	4.0	4.8
Oloa Faatauina mai i Fafo	9.4	12.0	9.6	10.1
Tamaoaiga	1.8	2.4	2.7	2.6

Faamatalaga: Matagaluega o Tupe

O faailoilo ole Taiala mo le Tamaoaiga ma ona taunuuga o lo'o taua i lalo:

- 1) O le faasiliga o tupe faaalua nai lo'o tupe maua e pei ona fuafuaina mo le tala o le tupe i le tausaga faaletupe 2014/15, o loo faamauina ai le 4.2% o le tamaoaiga, faatusa i le 4.8% o le tamaoaiga sa i ai i le 2013/14. O ia faailoilo o loo faapea ona sili atu nai loo le faatapulaa e 3.5% o le tamaoaiga lea e faamauina i totonu o le

Taiala mo Atinae a Samoa 2012-2016. O le faaauau ai o galuega toe faaleleia o vaega sa faaleagaina e le Afa, galuega mo le fonotaga a Atunuu Laiti Tauatia'e (SIDS) o le lalolagi ma galuega mo Taaloga a Tupulaga a Atunuu o le Taupulega (CYG) o le a faapea ona fesoasoani i le faatupulaia o le tamaoiga ma fesoasoani i isi vaega o le tamaoiga o loo faapea ona i ai ise tulaga le lelei. O loo fuafuaina e ausia e le tala o le tupe le faatapulaa e 3.5% o le tamaoiga i le lumana'i ona o le tulaga toe sologa lelei o le tamaoiga.

- 2) O le pasene o le aofaiga o tupe faaalu mo auunaga a le Malo pe a faatusa ile tamaoiga o loo fuafuaina e o gatasi ma le faatupula'a i le tausaga faaletupe 2013/14. Ae o loo fuafuaina e faaitiitia nai loo le tulaga faatupulaaina i lesi lua tausaga faaletupe o lumanai i le maea ai o galuega toe faaleleia o le Afa o Eveni.
- 3) O le pasene o totogi a tagata faigaluega a le Malo pe a faatusa i le aotelega o tupe faaalu i auunaga o loo fuafuaina e sili atu nai loo le faatupula'a i le lua tausaga o lumanai ona o le siitaga o totogi a tagata faigaluega a le Malo.
- 4) O le pasene o aitalafu pe a faatusa ile tamaoiga o loo fuafuaina e faamauina le maualuga atu nai lo le faatupula'a e 50%, ma o loo fuafua e faaitiitia I le lumana'i. O le faaopoopoga o nisi aitalafu o le a faia lea mo na' o atinae talafeagai.

PUSA 3: FAATULAGAGA O LE TAMAOIGA 2013/14 – 2016/17

	Sini Autu	2013/14	2014/15	2015/16	2016/17
Tamaoiga Faatulagaina (% suiga)	3.0%-4.0%	1.8%	2.4%	2.7%	2.6%
Tau o le Soifuaga (%)	3.0%-4.0%	-0.2%	0.9%	1.6%	2.1%
Paleni o le Tala o le Tupe (% o le Tamaoiga)	Ia le sili atu i le 3.5% o le Tamaoiga se faasiliga o tupe faalu i loo tupe maua	-4.8%	-4.2%	-2.0%	-1.2%
Tupe mo Galuega Fai (% o le Tamaoiga)	35%-38%	36.0%	30.8%	27.2%	25.9%
Totogi o Tagata Faigaluega (% o le aofaiga o tupe mo galuega fai)	40%-45%	37.9%	43.9%	46.4%	46.5%
Nonogatupe ua faamatuina mai (% o le tamaoiga) ¹	Ia le sili atu i le 50% o le tamaoiga	60.1%	59.2%	56.9%	53.6%
Tamaoiga (\$ miliona)		1,569.9	1,658.9	1,765.0	1,851.6

Faamatalaga: Matagaluega o Tupe

1. O nei nonogatupe o lo'o faatupeina mai fafo ma e itiiti tului ma faigofie aiaiga mo nei nonogatupe.

V. FUAFUAGA ALUALU MAMAO AUA LE TUUITIITIA O AITALAFU A LE MALO


O lo'o tumau pea naunautaiga a le Malo o Samoa ina ia faaitiitia le pasene o aitalafu mai fafo pe a faatusa i le tamaoiga i le le i luga atu o le 50% i le lumana'i. O leinei naunautaiga e alaga tataua lava ona o gatasi ma fuafuaga ma le taumafai ina ia faagasolo pea atina'e aua le unaia lea o le tamaoiga. O le maitaituina lelei o faagasologa o atina'e i

vaega maoti eseese o le tamaoaiga ina ia faapea ona manuia ai le lautele o le atunuu i lona aotelega, o se vaega taua lea o lo’o faapea ona faatino ai atina’e eseese mo le tamaoaiga.

Ua amatalia foi le toe fetuunaiga o tupe maua mai auaunaga a le Malo e ese mai i lafoga ina ia atagia lelei ai le tulaga o auaunaga a le Malo mo tagata nuu e gafatia, aemaise ai foi le fetuutuunaiga i e e le gafatiaina ona tofogiina nei auaunaga. O lenei foi taumafaiga o le a faapea ona mataituina ma siitia ai le tulaga o auaunaga uma a le Malo ina ia o gatasi ma ia talafeagai tau o nei auaunaga.

O lo’o faaaauina foi le faasoaina o tupe a le Malo i le tulaga aoatetele o vaega maoti taitasi ina ia unaia ai pea le pulea lelei ma le faaoga tatau o vaega tupe i lona aotelega. O nei vaega uma e o gatasi lea ma se iloiloga i tupe faaalu a le Malo i vaega e tatau ona ave iai le faamuamua e ono manuia ai le atunuu atoa.

O nei vaega uma o loo taua faatasi ai ma le faatinoina o faiga faavae aua le mataitu leleia o nei aitalafu o le a fesoasoani tele le faaitiitia o aafiaga i luga o Tupe a le Malo.



Faamatalaga: Matagaluega o Tupe

